

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Menippus sive dialogorum satyricorum centuria  
inanitatum nostrativum speculum**

**Andreä, Johann Valentin**

**Cosmopoli [i.e. Straßburg], 1618**

98. Simon Dormis

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

B. Aurum mihi non est. A. Sanè Myftrarchi? B. Nescis hæreticum? A. Labora. B. Corpus non sufficit. A. Mendica. B. Jam definendum foret. A. Spera. B. Homines concrefcunt, lapidescunt. A. Patere. B. Id fortiter facio. A. Nunc tibi sum mitior. B. Sed quid succurris? A. Nihil est. B. Quid spondes? A. Æque miser sum. Memineris autem non me de Divino numine inique sentire. Sed illos qui in conspectu inque despectum Dei tot abominabilia perpetrant. B. Quid contulis? A. Futuram æternitatem expectemus. B. Nunc places: Nam si præsentibus esset immorandum & ex præsentis mundi intuitu de Deo, & ejus regno judicandum, nihil excogitari posset homine infelicitus. Cæterum Divinum regimen & potentiam inter hos mundi turbines nemo tam facile agnosceret ex rerum creaturarum ordine, quã quod humana malitia vniversus mundus nõ plane corrumpitur, desperditur, annihilatur: Scilicet est aliquod arcanum robur, quod hoc universum sustinet, donec absoluta periodo dissolvatur. A. Condone mihi temeritatem. B. Libenter; at tu post hac scies multa hæc Sathanæ mancipia adorari, multos Dei filios proclamari impios.

## 98. SIMON DORMIS.

A. Quid mirum est rebus periculosis. plerumque homines esse securissimos? B. Nempe illud Simon dormis identidem inclamandum foret. A. Quis nescit Germaniæ decus & robur per ordinum dissensum languesceres vile-

vilefcere? B. Simon dormis? A quis nescit patriæ ornamenta & opes exarefcere? B. Simon dormis? A. Nonné verò Religio facta est quoddam mercimonium? B. Simon dormis? A. Quid tribunal, nisi litium seges? B. Simon dormis? A. Curia nonne labyrinthus est? B. Simon dormis? A. Aula cloaca? B. Simon dormis? A. Quid in scholis frequentius est, quàm lanæ caprinæ tonsura? B. Simon dormis? A. Et leges vanæ opinionis deliria sunt. B. Simon dormis? A. Sacerdotes sese pascunt. B. Simon dormis? A. Magistratus choreas ducit. B. Simon dormis? A. Populus flenda ridet, ridenda flet. B. Simon dormis? A. Artifices quisquillas pariunt. B. Simon dormis? A. Juventus defloratur. B. Simon dormis? A. Eheu terram infelicem! ubi Satan Princeps, Mundus hospes, Caro præceptor, hypocritis consiliarius, vanitas commilito, opinio adulator, securitas comes, malignitas famulus est. B. O Simon dormis, nec potes unam horam vigilare? A. Qui vigilet, cui venter Deus est, voluntas lex, ambitio dux, temeritas ars, consuetudo regula, fumus merces, nugæ dapes, servitus titulus, stupor pulvinar, damnatio finis. B. O Simon evigila, nisi lethargus plane est quod somnias. A. Quidni lethargus? Nam Deum tam evidentem negare, mundum tam hostilem deperire, terram tam informem laudare, mortis tam incerte certæ oblivisci, tenebris tam densis delectari, veritatem tam invictam denegare, famam tam mortalem adorare, infelicitatem tam præsentem dissimulare cathenis tam turpib. gloriari,  
& no-



& nostri intra nos tam stупide ignaros esse ne lethargus quidem est, sed obrigescencia. B. O vigila quisq; non lapideas aures habes ad Divinam tubæ sonum, qua ad lucem, & diem & immortalitatem vocaris. A. Frustra hoc seculum inclamas, quod dormitantium habet infinitos, vigilantium prope neminem.

## 99. HOROLOGIVM.

A. Quid speculator meus oscitatur? B. Sane jucundum mihi oblatum est spectaculum.

A. Quasi horologium nunquam videris? B. Nunquam quod sciam his oculis: nam ut primum hic vidi dici sectionem, planetarum motus, campanularum seriem, rotarum librationes, introverti oculos, & hujus vastissimi universi horologium introspexi, cujus æque sunt regulares motiones, sunt rotarum periodi, sunt magni diei divisiones, sunt indices, atque horariæ campanæ.

A. Id dictu, quàm explicatu est facilius. Nam ut maxime temporis arcanam divisionem tibi dem, ac Monarchiarum regulatam successionem, tum imprimis Ecclesiæ admirabiles rotulas, temporumque notabilia signa, quis tamen ausit magnas illas horas definire, aut quis lynceus possit hanc horariam tabulam discernere? Nam ut imperiti oculi sciotericas lineas frustra intuentur, & confusionem potius quam cœli imaginem judicant, ita quoties Divinas illas lineas varijs tractibus in terreno pariete depictas contemplamur, haud quidem frustraneas facile agnoscimus, sed deli-

nea.